



Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allanngortinneqarnissaa pillugu Inatsisartut inatsisaattut siunnersuut.

(Aningaasaqarnermut akileraartarnermullu Naalakkersuisoq)

Siullermeerinnineq

Naalakkersuisut sinnerlugit kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata, aamma missingersuutinut inatsimmik taaneqartartup, allanngortinneqarnissaa pillugu Inatsisartut inatsisaannut siunnersuut Aningaasaqarnermut akileraartarnermullu Naalakkersuisoq saqqummiussaqarpoq.

Siunnersuutip saqqummiunnerani oqaasertaliussani nassuiarneqartuni oqaatiginiarneqarpoq Inatsisartut inatsisaata allaffissornikkut misilittagarilikkat aallaavigalugit naleqqussaannerusoq, taamaasilunilu teknikkikkut aaqqissuusseqqinnerinnaannerusoq inatsit toqqammaviatigut annertunerusuminngooq allannguiffiunngikkaluarluni.

Naleqqamiit nalilersuinitisinni inatsimmilu aaqqiissutissatut siunnersuutigineqartut teknikkikkut aaqqinnerinnartut taaneqartut ilungersunartorujussuurtut nalilerusuppagut.

Allaffissornikkut teknikkikkut aaqqiinerinnartut uagut taasinnaanngilagut saqqummiunneqartut.

Siunnersuummi oqaasertaliussat ataatsimiititaliami nalilersorluarneqarnissaat Naleqqaminngaaniit kissaatigaarput aammalu ilanngullugu nalilersoqqarput ilumut oqaasertaliunneqartut teknikkikkut aaqqiinerinnartut taneqarsinnaanersut ilanngullugu nalilersuiffigineqarnissaa kaamattuutigaarput.

Taamatut oqaaseqarluta Aningaasaqarnermut akileraartarnermullu ataatsimiititaliamut sukumiisumik suliarineqarnissaa Naleqqamiit innersuussutigaarput.